



9
4186
20



銘心紀要

清心省事。為官切要。且有無限大樂。唐宜之

惟公則生明。惟廉則生威。

周九疇。士大夫若愛一文。則不值一文。

官心不可偏向。有則人必窺知。

薛文清。凡有偏向。即自開鑽刺之門。昔

有官。見一走卒敏捷。呼用稍勤。下人即有趨重之意。以是知為官者。當明白正大。不可有一毫偏向。

左右非公事。不可與語。

張文忠。深體比言。斷却許多流弊。胥役不嚴而慄。

治獄有四字要法。曰。公慈明剛。

薛文清。公則不偏。慈則不刻。明則能照。

銘心紀要

一

亭

昭
和
田
大
作
贈

門口 9
號 4186
卷 19

剛則
能斷

為官最要安重。眾所瞻仰。一言不當。殊生愧赧。薛文清

言行端莊一句。是為官要法。否則遠近傳說便為官玷。

為官只是淡無嗜好。靜不多事。便是生民無限之福。

程明道。試看多事之官。則民多苦累。但切不可厭煩惡事。若視民之冤抑。一切不理。反為靜害。

為官三字要法曰。清慎勤。呂吉仁。知此三者。則知所以持身矣。

官雖至尊。決不可以人之性命。佐己之喜怒。官雖至

卑。決不可以己之生平。佐人之喜怒。余六成。大功德。大氣節。

門口 9
號 4186
卷 20

催科不擾。即是催科。日撫字。刑罰不錯。即是刑罰中

教化。安趙純。全在不擾不錯。

政令以通。下情為急。薛文清。雖曰天理王法。亦要下合人情。

為官者。清畏人知。政戒駭俗。氣象切忌激昂辭定

要謙遜。文統公。為官要法。

當官者。先以暴怒為戒。事有不可。當詳處之。必無不

中。若先暴怒。只能自害。豈能害人。呂東萊

興一利。不如除一害。生一事。不如成一事。耶律楚

銘心紀要

二 亨

鋤奸杜倖。要放他一條去路。若使之一無所容。譬如塞鼠穴者。一切去路都塞盡。則一切好物俱咬破矣。陳眉公○事微已甚。便啓亂端。此過猶不及之義也。

救民水火之中。惟恐其不早。貪官污吏侵漁百姓。甚於盜賊。此而不除。雖有良法美意。孰與行之。陳白少。

立朝之士。當愛君如愛父。愛國如愛家。愛民如愛子。

羅豫章○終是真心

當官一日不勤。下必受其弊。真西山○所以清慎之外。必要勤字

當官清慎。可以遠辱。設心處事。戒之在初。朱鳳台○前人云與

其巧持於末。何如拙戒於初。真至言也。

為官之道。以不取為與。以不擾為安。以不害為利。以

行所無事為興廢起弊。呂叔簡○官一取則民財竭。官一擾則民疲於奔命。

官一害則民身喪。家亡。官一好事則地方不享無事之福。此真銘心要言。

任事者。當置身於利害之外。建言者。當設身於利害

之中。陳眉公○為官看得利害。太明則難事。誰人肯做。

與其得罪於百姓。不若得罪於上官。吳芾公

與其進而負於君。不若退而合於道。

李衡公○吳公是指剝民以媚

上臺者李公專為庸碌無才而貪位慕祿者凡為官俱當自問於心。

非甚不便於民。且莫更改。非甚有益於民。切莫輕舉。

唐宜之○事要斟酌盡善。

凡人之性。專務苟且。明日有事。今日得休。且休。當官

者。不可徇其私意。忽而不治。韓魏公○因循悞事。

天下事愈從容。則機括愈生。熟思則得其理。緩處則

得其當。

李若谷○甚的事。不因忙裏錯了。

不欺君。不賣法。不害民。此是為官三要。

薛敬軒

左右之言。不可輕信。必審其實。

薛文清○須記左右皆曰賢。未可也。一篇。

惟儉可以助廉。惟恕可以成德。

范忠宣

我不畏缺錢。而畏匹夫之口。我不愛珠玉。而愛赤子

之心。

張西江氏。嘉可畏。

一字不可輕與人。一言不可輕許人。一笑不可輕假

人。

薛敬軒○諸事俱要謹慎。

事來莫放。事去莫追。事多莫怕。

陳龍川○凡蒞官處事。此三莫切要。

天下制度無全利而無害的道理。但看利害分數何

如。朱晦菴○全
要能衡輕重

獄事人命所係。尤當盡心。近世流俗惑於陰德之論

多以縱出有罪為能。而不思善良之無告。此最弊

事不可不戒。然哀矜勿喜之心。則不可無也。朱晦菴

廉不言貧。勤不言苦。忠不言已効。公不言已能。可以

事君矣。張忠定○不言二字是秉心幽獨處

欲當太任。須是篤實。程明道○批其主

為政須要先平其心。不平其心。雖好事亦錯。沙一駒

濫准株連。差拘監禁。保押淹久。解審照提。此八者。獄

情之大忌也。仁人之所隱也。居官者慎之。呂叔簡

世上沒個好做的官。雖抱關之吏。也須夜行蚤起。方

為稱職。纔說做官好。便不是做好官的人。呂叔簡

勿謂鄉官過客。口大難犯。不可不厚小民。口小口卑

不得上聞而不恤小民。海剛峯

做事不求快心。求安心立法。不要人畏。要人服。袁了凡

題目張大。不能實落下手。不謂興革。海剛峯○實落便難下手。

以獄訟交移。催徵為末。以教民耕織。轉移風俗為首。

海剛峯○下一句國泰民安皆由於此。豈是小事。

士子喜聞諛言。學問必不進。縉紳喜聞諛言。晚節必

不終。屠赤水○諛言最害實事。

臨民者。寧可於法之內。減一分。不可於法之外。加一

分。唐宜之

官麻聽訟。如身在兩造之中。不得已而用刑。亦如身

當其痛。庶無妄刑。賄賂囑託。自不能入。唐宜之○仁人之言

詞訟宜少。准速問。然後士農工商得安其業。准多而

問遲。徒與吏胥作牛馬耳。不聞不見之中。號哭之

聲。徹鬼神矣。唐宜之

人智興邦。不過集眾思。大愚誤國。不過好自用。武侯

王安石足以觀矣。陳惕龍○全在不取下問。通達人情。

前輩見人仕宦而廣求知己。戒之曰。受恩多則難以

立朝。宜諄味此言。沙一駒

士之立朝。要以正直忠厚為本。正直則朝廷無過失。忠厚則天下無嗟怨。二者不可偏也。一于正直而不忠厚。則漸入于刻。一于忠厚而不正直。則流入于懦。沙一駒

處事了。不形之言尤妙。沙一駒自誇則人鄙誚。

恐之一字。眾妙之門。若能清慎勤之外。更行一忍。何

事不辦。陳眉公非獨為官。涉世亦要。

四方奏請。廷臣面對。建署更革。或書生貴游。不諳民

事。輕於獻計。不知一旦施行。片紙之出。北姓蒙害。

沙一駒識淺之人。每喜多言妄議。害民甚多。最為可恨。

當官臨事。切戒躁急。躁急則先自處不暇。何暇治事。

加以猾吏奸民。窺伺機便。以成其利。非特害人於

已甚害。呂東萊涉世亦然。

安重深沉者。能處大事。沙一駒凡聞事不喜不驚者。可以當大事。

吏人不怕嚴。只怕讀。蓋當官者。詳讀公案。則情偽自

見。不待嚴明也。呂叔簡自令凜凜。

後生乍到官。多爲猾吏所餌。不自省察。所得毫末而
一任之間。不復敢動。大抵作官嗜利。所得甚少。而
吏人所盜不貲矣。以此被重譴。良可惜。海剛峯
同民好惡。固爲政大要。同賢者好惡。尤同民大要。王陽明
令民田疇有禾黍。不必有醴泉芝草。令民伏臘有雞
豚。不必有麒麟鳳凰。鄒聚所。實在幹濟。

座右銘

揚州石成金天基訂集

人命誣賴

人命關天。誣賴一節。極爲慘酷。下輩恃此放刁。至奴
僕脅主人。頑佃梗業主。妻妾制夫長。一有不虞。則鄉
族乘而攘臂。縉紳因而磨牙。搶家私。辱婦女。縛屍灌
汁。以求賄賂。則有子激死母。妻氣殺夫。恃多男爲賴
死之根。指富家爲甘脆之貨。則有虐屍燒骨。踏門破

屋貧寬對袖手旁觀富親戚遭殃坐罪種種未易殫述。世之官長獨謂屍場一檢足以辯冤稱快孰知魚糜凶爛鯨吞虎噬已至此也。此弊不革不惟啓人自殺且令父子兄弟以死爲利暴屍滅法揣其情由與手刃無異。今旣難槩置不理但嚴誣告加等之法凡藥死縊死投水死而不卽首明者擬問如律其係親人逼死以爲圖賴之本者勘明重懲有乘亂索騙冒認挾打者嚴究號令庶親戚無利死之心風俗無搬

搶之害其保全不旣多乎

多事之害

凡奸猾吏胥不利無事蓋無事則法行令熟何所生豐乃往往以爲國興利之說從諛官長有增丁覈餉及稅畝丈量種種而起上開一孔下鑽百竅納賄一身叢謗上人城郭富家猶能支吾若山谷僻陋目不識文告耳不辯官音舌不解敷陳見里長則面色青黃望公門則心膽驚戰稍有桀驁者豈得望風索騙

於是獄訟日滋。愁怨日積。而太平索然。蓋矣。豈無有心人而坐此耶。說到山谷僻

愜真可憐惻

急救傷裂

葉公南巖刺蒲時。有羣閩者訴於州。一流血被面。惱幾裂。公見惻然。時家有刀瘡藥。公入內自禱藥。昇至幕廳。委謹厚。解子及慕官曰。善視勿令傷風。此人死。汝輩責也。其家人不令前。乃畧加審覈。收仇家於獄。而釋其餘。友人問故。公曰。凡人爭鬪。無好氣。此

人不急救死矣。此人死。卽償命一人。寡人之妻。孤人之子。又干証連繫不止一人。破家。此人愈持一鬪。毆罪耳。且人情欲訟勝。雖骨肉亦甘心焉。吾庾以不令其家人相近也。未幾人愈而訟。遂息保全數十人。上

體恤下情。件件精細。大事化爲無事。絕妙經濟。卽是聖賢心思。

貴有益

君子處世。貴有益於物耳。不徒高談虛論。左琴右書。以費人君祿位也。吾見文學之士。品藻古今。若指諸

掌試用多無所濟。居承平之世。不知有喪亂之禍。處廟堂之安。不知有戰陣之急。保俸祿之資。不知有稼穡之苦。肆吏民之上。不知有勞役之勤。自難以應世經務。歷數庸才俱確。只有益二字括盡。

治權貴

凡治事涉權貴。須虛心看理之所在。若其有理。固不可避嫌。故令之無理。若其無理。亦不可畏勢。曲令之有理。政令見得無理。只須作尋常公事看。斷過後不

亦當用之以時。不宜久留於家。與之親狎。皆能變易是非。簸弄聽聞。儒士固當禮接。亦有本非儒者。或假文詞。或假字畫。以媒進。一與之款洽。卽墮術中。如房瑄爲相。因一琴工出入門下。依倚爲非。遂爲相業之玷。此類當審察。疏遠。亦清心省事之一助。

官司實學

既有官司之事。便從官司之事爲學。纔是真格物。如問一詞訟。不可因其應對無狀。起個怒心。不可因其

言語圓轉。生個喜心。不可惡其囑託。加意治之。不可因其請求。屈意從之。不可因自己事務煩冗。隨意苟且斷之。不可因旁人讚毀羅織。隨人意思處之。這許多意思皆私。只爾自知。須精細省察克治。是簿書訟獄間。無非實學。若離了事物爲學。却是着空。

便民

毆陽文忠公嘗語人曰。凡治人者。不問吏材能否。設施何如。但民間稱便。卽是良吏。或問公爲政寬簡。

須拈出說。尋常犯權貴取禍者。多是張大其事。邀不畏強禦之名。所以彼不能平。若處得平穩安帖。彼雖不樂視前。則有間矣。須要鉄面。若避嫌畏勢。則公心何在。

仕有五瘴

仕有五瘴。急催暴斂。劫下奉上。此租賦之瘴也。深文以逞。良惡不白。此刑獄之瘴也。侵牟民利。以實私儲。此貨財之瘴也。攻金攻木。崇飾車服。此工役之瘴也。盛陳姬妾。以娛聲色。此帷簿之瘴也。有此五瘴。卽不居瘴地。亦有瘴害。

用人

宋李昉為相。有求進用者。雖知其材可取。必正色拒之。已而擢用。或不足用。必和顏溫語待之。子弟問故。答曰。用賢。入主之事。我若受其請。是市私恩也。因謝絕之。使恩歸於上。若不用者。既失所望。又無美詞。此取怨之道也。深得涉世妙法

不接異色人

為官不接異色人。非獨巫祝尼媪。宜踈絕。雖工藝云人

事無弛廢者。何也。曰。以縱為寬。以畧為簡。則廢弛而民受其弊也。吾之所謂寬者。不為苛急。所謂簡者。不

為繁碎耳。的是妙法

賄賂虐民

士人居官。忠君為先。愛民為本。今世大異。上而卿相。而一命。賄賂公行。直道不立。皇天震怒。何況侵民膏血。自肥一家。扼民嚙喉。白謀進取。不公不法。不仁不義。決一勝於目前。結無窮之冤業。劫數來時。福力

盡處。則惡報隨之矣。是以顯宦子孫。多不振勢位之家。多破敗。上天之報昭然。人苦不自覺耳。若速悔心。猶可免戾。

視俗施教

凡蒞事之始。不可自出意見。以立科條。雖嘗有所受之。亦恐易地不便。若拂人情而固行之。終必扞格。如病其難行。而中變。後有命令。人不信矣。是以初政。莫若一仍舊貫。如行之宜。何必改作。或節目未便。孰察

而徐更之。人徒見上下相安。而泯不知其所自。不一善乎。君子視俗以施教。察失而後立防也。亦有地同事同而

昔之勢不同者。攻不貴詳而貴順。順之一字。真百世之師也。

廉勤

爲官只要廉勤。廉分內事也。物交勢迫。浸不自由。雖欲廉得乎。推其要。莫如崇儉。蒞官之日。無異處家之時。用官之財。不啻用己之財。斯可矣。勤職當然也。原

明有良事。幾無可。言吹竹彈

絲圖享宦遊之樂。遂至酬應日繁。心力日耗。卽俯首涉筆。終歸苟且而已。須知大要莫若清心。雞鳴聽政。家務盡屏。勿以酒色自困。勿以荒樂自戕。凡事之所當辦。時時察之。汲汲行之。毋謂姑俟來日。則事無不理。而心亦寧矣。勤儉清心是搯要良法。官民俱刻不可少。

快活方 心藥

人情世事須知
修身齊家要法

揚州石成金天基撰集

銘心快活方治一切憂愁思慮不寧。及願欲不滿等症。

足

時刻存想此字。
能除一切妄念。

樂

時刻存想此字。
能除一切煩惱。

此二味用清

淨湯調服。世人福壽榮華。妻財子祿。俱是前生修積。豈由憂慮可得。但不饑不寒。無災無病。卽現在之大福。只將不如我者比量。則我之受享多矣。以此爲樂。是真樂矣。知足常樂四字。乃銘心法也。

極樂快活方 治一切煩惱虛度歲月等症

顛如瘋如狂即癡如聾如啞即此一味用醇酒享大快樂

調服予另刻酣樂吟內有四句云但逢身外莫思

量學得顛癡是妙方人世百年終日酒醉 三萬

六千場如有酒取樂為佳若無酒清樂而至顛癡

其樂更甚但得琴中趣何勞絃上聲須悟此意

消災安樂丸 治一切客氣怒氣怨氣抑鬱不平之氣

忍忘 此二味用不語唾送下先之以忍可見

一朝之患也繼之以忘可無終身之戚也更飲醇

酒數杯令醺然半酬尤得其益

一味長生藥 靜坐 此一味遇便行之或止觀或慧

定蘇東坡云無事此靜坐一日似兩日若活七十

年便是百四十世間何物能有此効既無反惡又

省藥錢此方人人收得苦無好湯便多嚙不下

安貧自樂方 顏蠲戰國時人隱居不仕常言處窮方其藥四味

知足以當富 無事以當貴 緩步以當車 晚食以當肉

此四味服之。雖簞瓢陋巷。亦自快樂。而不以貧累也。
六味治目方。積勞致目青者。閉目養神。去囂習靜。專
修止觀。不用藥攻。古今目疾多人。得此方皆愈。
減思慮。專內視。少言。省外緣。日遲起。夜早眠。
此六味熬以神火。下以氣從蘊於胸中。見効甚速。
長服不已。洞見牆壁之外。非但明目。乃亦延年。
逍遥無比湯。治倫理難醫之病。

寧耐 糊塗 學聾 學瞽 正經三分 痴呆七分

此六味和勻。用感化湯送下。如前病未愈。再加道
遥一味服之。呂新吾云。心不必太分曉。纔分曉。便
是糊塗。陳眉公云。留三分正經。以度生。留七分痴
呆。以防死。醫倫理之要藥也。

歡喜和美湯。治心高氣傲。惹人憎嫌。起人怨恨等病。
和顏 謙下 婉言 此三味和勻。佩服能令遍
處歡喜。諸人和美。且消許多口舌煩惱。真妙方也。
延年獨睡丸。治一切虛弱癆傷。吐血痰喘諸病。

獨睡

須要靜樂
勿思慮

此一味久服令人精神康健却

病延年昔包承齋恢年八十八以樞密登拜郊臺

精神老健賈似道問之必有攝養奇術恢曰我有

一服九子藥乃不傳之秘方似道堅叩之恢徐曰

老漢全靠吃了五十年獨睡丸滿座大笑予謂人

能服獨睡丸怡養再加以食半飽法自輔壽之延

長定可保矣

快樂四物湯治一切虛弱咳嗽焦勞憂思不安諸病

讀書

飲酒

賞花

玩月

此四味不必候齊

有一樣卽領畧一樣享許多快樂養許多精神

四妙誠實丹專治拾人咳唾附人聲响聽人嗾使希

人意替人和柯及模稜兩可燕喋忿爭深情詭

秘並皆治之。守口 防意 熟思 審處

此四味用不語津燕下久行不已自然真實不誑

不綺不兩舌不惡口功效難以盡述

敦本四君湯專治滅倫敗行下流等症

快活方

四

亨

孝父母 訓子孫 友兄弟 和夫婦 此四味佩服即成君子
 解難至寶丹 專治男婦不敬天地不重君親夫婦無
 情不忠不孝不仁不義不信不慈不廉不恥不認
 親疎忘人大恩計人小過使心用辛利己害人以
 及諸般不正之病悉皆治之。
改無際大師方

老實頭 一個 好心腸 一條 慈悲心 一片 信行 半月
 道理 五分 本分 三錢 忠直 一腔 忍耐 三分
 孝順 十分 溫柔 八兩 陰鷲 全用 方便 不拘多少

此十二味用寬心鍋炒不可焦爆去火性以波羅
 蜜爲丸如菩提子大不拘時候用和氣湯送下切
 忌六般毒物暗裡箭腹中刀草裡井心頭火兩頭
 蛇平地風波凡智慧信受者身心安樂福壽延長
 長壽二寶丸 安 安則寧一而精神不擾 和 和則優柔而情思不躁
 蘇東坡居嶺外問長壽訣於吳復古復古告之曰
 安曰和此卽老氏致虛守靜之妙法也
 千金安睡方 專治床卧不安夢魂擾亂等症

快活方

睡側而屈 覺正而伸 早晚以時 先睡心

後睡眼 此五味上床佩服保固精神却病延年

加減補中湯 專治一切難醫不愈之病

莫欺心 守本分 去嫉妬 務誠實 順天命

行好事 習謙和 寡色慾 崇節儉 戒暴怒

除狡詐 甘恬退 此十二味時常佩服保固元

氣諸邪不侵萬病不生可以久安長住也

快活方二集

揚州石成金天基俚說

切不可犯盜賊律

凡強盜已行而不得財者皆杖一百流三千里

如何是已行不得財乃是凡做强盜的已到失主

家裏或被失主知覺保守拒住或被鄰佑鄉兵救

護趕散不會打劫得失主家銀錢衣飾等物不論

十人五人一槩都打四十板問流徙到三千里外

凡問了流罪。本人的老婆。俱要一同解去安插。此不過饑寒所迫。一念差錯。既不會劫得人家的一分一文。就該問此離鄉背井的重罪。你想三千里路。舉目無親。比在家裏所受饑寒。更加百倍。又帶累老婆與解役同起同睡。何等慘辱。

但得財者。不分首從。皆斬立決。

但得財者。是做強盜。但打劫了失主家財物。不論銀錢衣服首飾多寡。就是一千錢。二兩銀子。或幾

件粗布衣服。銅錫首飾。或幾斗糧米。或幾頭牛馬。都謂之財。爲首是強盜做頭的人。爲從是同夥跟隨的人。不論此起有十個五個。但是同去了。一得些財物。事犯掣住了。審明定案。部文一到。都要立刻砍頭。窩主同罪。且砍頭之後。身屍難以葬入祖墳。原分的贓物。還要着落在妻子名下。變賣家產。照依原分的數目。賠還失主。再如內中若有因去打劫。姦淫了人家妻女。殺傷了失主家人口。及放

火燒了失主的房屋。此各件中不必全犯。只犯了一件。除立決砍頭。還要將頭掛在行劫地方。謂之梟首示衆。至於騎着馬匹。帶着弓箭腰刀等器械。不論一人二人。白日在大路上。邀劫行客財物。謂之響馬。也與強盜一樣。梟首。賊追給主。况做了此等壞事。心驚胆戰。東躲西藏。惟恐事犯。既未得將所分贓物。受用一些。究竟天網難漏。國法難逃。拿獲到官。夾打監禁。鎖鑰遍身。各處解審。受盡苦楚。

到頭來。難免一刀。玷辱祖宗。貽笑鄉黨。更且連妻子兒女。追贓還主。算來一毫東西。不曾得。只落得一砍頭的罪。有甚麼好處。怎如得安分守己。力農趣食。父母妻子。骨肉團圓。這是大快活也。凡竊盜已行而不得財。答五十。免刺。

此是已去做竊盜。而不會偷有財物。就如前面強盜之已行不得財相同。因未得財物。所以免了臉上刺竊盜二字。然猶打五十。何苦空空受刑。

但得財。不論分贓不分贓。以一主爲重。併贓論罪。爲從者各減一等。

以一主爲重。併贓論罪者。如做竊盜的。原偷了兩家的財物。一同事犯到官。只就贓多那一家。合算起來。定其竊盜的罪。併贓論者。如竊盜本是十個人。同去偷的財物。如今合算起來。共值四十兩銀子。每人只分了四兩。今應通算在一處。這十個人。都該問四十兩贓的罪。造意爲首者。是那個先

起念算計去偷的。就是爲首。該杖一百。折責四十板。其餘爲從的九個。比爲首的減一等。應杖九十。各折責三十五板。俱刺字也。

從計贓一兩至四十兩。該杖一百。五十兩至九十兩。該問徒罪。自徒一年至徒三年。如到一百兩至一百二十兩。就該問流徙的罪。自流徙二千里起。至流徙三千里止。如一百二十兩以上者。絞監候。初次事犯。挈獲到官。除計算贓物。該杖該徒該流。分別定罪。發

落外還就在本犯右邊而上刺竊盜二字再犯刺左邊面上。至於犯到第三次。就不論贓數。只以竊盜三犯論絞監候。若竊盜臨時。或竊物未離失主之家。或竊得財物。走出失主門外。與失主拒捕殺傷人。及因盜而姦淫失主家之妻妾奴婢者。不分爲首爲從。皆斬。其白晝黑夜在途搶奪人財物者。罪同竊盜。富王亦是同罪。

此竊盜。不但是糾夥偷盜人家銀錢衣飾等物。方

是就是偷了人家騾馬牛驢。與地裡田禾柴草園中瓜果菜蔬。都是一樣事。犯挈獲到官。計贓論罪。不必定至徒罪流徙。就是算贓。只值幾錢銀子。幾十文錢。不到一兩。也該笞五十。更不論贓多贓少。凡係有犯。都要打了板子。然後分別問罪。將偷的物件照數還要追賠還主。且要在本犯右邊面上。大刺竊盜二字。無論絞罪身死不能復生。流罪帶累了妻子。流徙遠方。終身不能歸還鄉里。重見父

毋就是徒罪三年兩載。雖可回家。杖罪答罪。打了板子。自有好的日子。只是刺了深深的竊盜。兩個大字在臉面上。終身帶着。不但出門難見鄉黨親朋。就在家裏。何顏對父母妻子。雖欲急圖痛悔。改做好人。奈有此兩字刺在臉上。如何區處。一出門庭。卽三尺童子。一見便曉得是賊。若有人心的。生不如死。更可慮者。將來所養兒女。誰與聯姻。附近被竊。羣相指摘。時刻驚心。夢魂總不得安穩。且應

捕番役的。搜求索詐。百般苦辱。不至身死而不止也。一念之差。終身難洗。何如安分守法之快活耶。

宜安分

世上人。秀頑不一。也有向上讀書的。也有務農的。也有做手藝買賣的。總是一個求衣食的念頭。大約世人想去做那敗名喪德的事。畧有三件。第一是巴高妄想富貴。第二是懶惰怕辛苦。第三是爲饑寒。此三件。只有了一件。存在心裏。就爲非作歹。

的事都不怕了。及至犯了法。受罪亡身。就悔也悔不來。只要在士農工商本分事業上。費些辛勤。吃些勞苦。自然飽食煖衣安穩度日。四民既各有一業。專心去做那件事。就任他窮通得失。只是一心在這業上。不肯搖動。惟有無志的人。名不成。利不就。隨波逐浪。適意的去處。就住住。快心的事。就做。遂致不論是非。不辨好歹。流入匪類。了這是謂何。只因他心不安分。所以聲色貨利。隨地就起妄。

想亂行亂做。自尋罪受。了人能安分。就有個拘束。假如讀書人。存心積慮。要想中舉中進士。就是時運不濟。青燈黃卷。鐵硯磨穿。他的志氣不移。自然有個一朝發達。種田人。存心積慮。要想堆滿倉廩。就是年歲不登。辛勤困苦。他的志氣不移。自然有個大熟豐年的時候。工作的人。心心念念。想遇幾個好主顧。總成他大工程。賺些銀錢。節或生意淡薄。他的志氣。只在那技藝上。用工夫。自然熟能生。

巧名揚出去。尋他的必定多了。買賣的人。心心念念。想撞一宗賤貨。帶到地頭。猛然價貴。數倍利錢。卽或算計不到。枉費奔波。他的志氣。只在經營上。着精神。自然守着。一旦忽的發跡起來。可見爲人。不可不守定本分一業。若失了業。就是游手游食。的人。到得饑寒難過。必至爲非作歹。家破身亡。怎如安分守己。真好快活也。

切不可犯人命律。

凡謀殺人。或謀諸人。造意者斬。從而加功者絞。不加功者杖一百。流三千里。○若傷而不死。造意者絞。從而加功者杖一百。流三千里。不加功者杖一百。徒三年。○若因而得財者。同強盜不分首從論。皆斬。謀殺人是平日與人積有讐怨。或是爭產奪婚。未遂其意。思量報復。或是自己立心算計。要致死他。因自己力不能爲。糾合親戚朋友。商謀同往。將其

人或打或殺以致必要其死也。造意者是造謀立
意爲首之人。該問斬罪。其從而加功者是聽造意
者之謀。或同去幫助爲首之親戚朋友。或一齊
擎着刀鎗棍棒將致死之人。也曾有致命重傷者。
該問絞罪。至於不加功的。是當日同在一處商謀
臨行又相隨一齊同去打的時節。又在傍邊張威
助勢的。該問杖一百流徙三千里之罪。以上是被
謀之人。已經當時身死的了。若是所謀之人雖經

受傷猶不至死。造意爲首的。減一等。尚且問絞人
功的。減問流徙。不加功的。亦減等問徒。若謀殺人
而又得所殺人之財物。則不論殺人與不殺人都
同強盜一樣。不分首從。皆問斬罪。在本人既不能
含容忍耐。起初的意思。只要報復讐人。不想自己
亦殺身親戚朋友。又不力加排解。反同惡相濟。挑
激扛幫。共逞小忿。致蹈受罪。或絞死。或流徙。或徒
或杖。有何便宜。豈不可憐可惜。

凡鬪毆殺人者不問手足他物金刃並絞故殺者斬
俱監候若同謀共毆人因而致死者以致命傷爲重
下手者絞元謀者不問共毆與否杖一百流三千里
餘人各杖一百

鬪毆殺人者如有兩人互毆原因一時氣忿不平
彼此爭持俱無必定打死之心者內中一人偶因
傷重而死故謂之鬪毆殺人也不論是手打的傷
脚踢的傷以及金刃等傷都問絞罪故曰並絞至

於故殺間斬者因其臨時有意安心要打死此人
其人果然當時身死全重在那臨時有心必欲致
死人命是以該斬若同謀共毆人其初原無必欲
致死的心不過只要毆打此人一頓以洩其憤原
是謀毆不意此人因而致死因檢驗被毆受傷或
在顛門太陽耳跟腎囊等處下手打此致命重傷
之人問絞其元謀是主謀造意謀毆之人所以不
問共毆與不共毆都坐以杖一百流三千里者惡

其爲起禍之罪魁也。餘人者是旣不主謀。又不曾下手。打有致命重傷。止是跟隨同行。也曾幫助打了幾下的人。亦各杖一百。折責四十板。又恐此等餘人之內。番出執有兇器。檢驗也有他打的致命重傷。所以律條之內。又有將此等人。問發邊外充軍之例也。總之人命至重。有犯難逃。世上人須當仔細思量。豈真有殺父的冤讎。萬不得已之事。止不過貪圖名利。遂至相爭。或一言不合。揮拳攘臂。

又或酒後相戲。弄假成真。直至殺人償命。撇下高年父母。叫誰侍奉。嬌妻幼子。靠誰撫養。一時不忍。貽恨無窮。可不慎哉。

宜忍耐

世上人常有一言不合。怒氣相加。就打死了人。細究根由。並無深讐大恨。止不過是一時氣怒。但凡欲致人死的事。須要仔細想一想。他還是殺了我的父母呢。還是占了我的妻子呢。若不是這樣大

讐雖有別的怨恨。何苦將自己的性命。問成死罪。白白償還他。豈不是雖害他人。却明明害了自己。我苦口奉勸。諸事忍耐。那傷天害理的事。不但不可爲。亦不可起念。免業解釋。留着身命。坦然度日。真好快活也。

切不可犯姦情律

凡和姦杖八十。有夫者各杖九十。刁姦者杖一百。和姦者杖八十。各折責三十板。是婦人之無夫的。如有夫之婦。與人和姦。則杖九十。應各責三十五板。刁姦者。是將婦人引至別處通姦。然刁姦都從和姦而來。所以不論有夫無夫。各杖一百。應各折責四十板也。男子婦人皆當以廉恥爲重。如不愛名節。一朝事犯。當官去衣。同責。即便醜顏偷生。有

何面目以對父母親鄰乎

強姦者絞監候。強而未成者杖一百流三千里。

絞者是用繩子絞死就是已強不曾成姦的也還杖一百流三千里。

凡妻妾與人通姦而本夫於姦所親獲姦夫姦婦登時殺死者勿論。

姦所卽男女行姦之處勿論是不問罪

其妻妾因姦同謀殺死親夫者凌遲處死姦夫處斬

若姦夫自殺其夫者姦婦雖不知情亦絞

姦人妻妾不過苟遂一時之歡被人捉獲到官當堂雙雙杖責。男子婦人歸家何顏見父母親友若被本夫撞獲登時殺死如屠猪狗更且人人稱快只圖片刻之歡竟作無頭之鬼把自己妻子轉眼反做他人的妻子身遭慘戮貽臭無窮急須切戒宜娛內

夫妻是五倫之一最當和睦卽或男女偶有是非

長短亦須彼此包容。要知自己妻室。我要倚着他生子孫。接宗祀。主中饋。竭力內助。幫成家業。但夫妻和好的。有許多便宜。不費錢財。不耽驚怕。不害相思。不傷天理。不犯刑法。何等安穩快活。若是貪愛他人的妻妾。分明是自尋罪受。況且萬惡淫為首。淫人一妻。還人一女。歌云。勸人莫借風流債。借得債來還得快。家中自有還債人。你要賴時他不賴。尤當猛醒。

切不可犯鬪毆律

凡鬪毆與人相爭。以手足毆人者。及以他物毆人成傷者。他物如磚石棍棒之類。成傷是皮膚被毆青赤腫等傷。拔髮方寸以上。俱該答罪。若所毆血從耳目中出。及內損其人臟腑而吐血者。杖八十。以穢物即糞溺之類污人頭面者。罪亦如之。折人一齒及手足一指。眇人一目。尚能小視。猶未至瞎。抉毀人耳鼻。若破傷人骨。及用湯火銅鐵汁傷人。以穢物灌入人口鼻內者。皆杖一百。折人二齒二指以上。及

盡髡去髮者杖六十徒一年。折人肋折骨已眇人兩目。不能全視墮人胎及亦傷人者亦不論大小能杖八十徒二年。折跌人肢是手體項及瞎人一目者皆成廢杖一百。徒三年。瞎人兩目。折人兩肢。損人二事以上。如瞎一目。又折一肢之類。及因舊患。如本人原瞎一目。今令至篤疾。若斷人舌。割斷人舌。令人不能說話。及毀敗人陰陽者。以至生育。並杖一百。流三千里。仍將犯人財產一半。是行兇人之所有房產地土也。斷竹被傷篤疾之人養贍。

以上俱是毆傷其人致成廢篤等疾者之罪。若被毆之人因傷而死則依前條人命下手致命元謀餘人等律問絞斬等罪。

宜和讓

世上人但相知識都該和好。只是如今的人或有房屋聯基。或有田地合界。或因財帛往來。或因酒食燕會。語言最易生嫌隙。亦最易構。也有富的嫌貧的騷擾的。也有貧的怪富的怠慢的。也有乖巧

的去欺那老實的。也有豪華的去笑那寒酸的。以致意氣不合。至於相爭相爭不已。至於鬪毆鬪毆不解。甚至成訟。大約心裏若有一個不和不讓的念頭。自然必定尚氣。彼此都假裝臉面。我既不肯讓人。人又不肯讓我。人若罵了一句。我要還罵十句。總歡喜人若打了一拳。我要還打十拳。總快活。以至難解難消。小怨變爲大怨。小讐言積成大讐言。弄得個彼此敗壞。不了不休。仔細思想。何苦來由。自

今日起聽我好話。但凡做事待人。都要和讓爲主。遇了事。雖然是非曲直。心裏有個主張。只要大意不差便了。其餘細微。都要通融包含些。不必追根輯底。見了人。雖然高低好歹。肚裏有個分別。外面都要渾厚寬容些。不必吹毛求疵。也不去矜情傲物。也不去立異求新。無論尊長官宦。不去得罪他。就是孩童婦女。貧賤下人。也都恭恭敬敬的和好。還有那個不歡喜呢。無論知交中。沒是沒非相親

相愛就是有甚麼非意的相加。不堪的橫逆。也只是情恕理遣。放開度量。不屑計較。還有那個不敬重呢。如此做事待人。還有甚麼爭鬪。前人云。會做快活人。凡事莫生事。會做快活人。省事莫惹事。會做快活人。大事化小事。會做快活人。小事化無事。可見學得和讓。就一生快活有餘矣。

切不可犯輕生律。

諸人自縊溺水身死。別無他故。官司詳審明白。准告免檢。條若自縊赴水是實。屍親妄捏虛詞控告。枷號

四十日。責四十板。新例。

世上有一等愚夫愚婦。偶因一時口角。小忿輒自輕生服毒。自縊投河。跳井。擗命。害人豈知律載。自死是真。別無他故。總甲人等呈明。地方官免檢批押葬埋。如屍親妄捏虛詞控告者。枷責是輕生空

害了自己性命。又累了父兄子侄的枷責。有何利益。更有揀死的人。主意尚在未定。柰弟男子姪左右親屬。並不力加勸解。反乘機聳激。以致自盡。因而大家指屍打詐。及至告官審實。卽問誣告反罪之條。卽或扛屍詐有銀錢。搶有財物。俱應准照竊盜搶奪治罪。所詐所搶的財物。問罪之後。仍要追出還他。打壞器皿物件。都要估計價值追賠。可以不能害人。反害了自己。豈不可憐。

若因人命圖賴而詐取財物者。計取所詐。贓准竊盜論。

詳見前竊盜條。因圖賴而搶去財物者。准白晝搶奪論。計贓重者。加竊盜罪二等。傷人者。斬從減一等。並刺搶奪二字。

假命圖賴固有誣告本律。就是人命果真。若屍親抄搶者。除人命應問抵償外。其抄搶的屍親。俱問索詐抄搶之罪。

宜重命

有等愚人。或因隣里怨恨。或因家庭口角。一時氣

忿就思量。揀命害人。要知道但凡自盡的人命。經官卽用薄材押令抬埋。並不把他問罪。枉自橫死。冤沉海底。追悔不來。何苦把父母生的身命。輕如草芥。豈不可惜。今後諸事。都以自己的身命爲重。切莫學那拙見輕生。安分度日。好快活也。

快活方三集自叙

前人謂救人一命。勝造七級浮屠。要知世間功德。孰有大於救人性命乎。予最憐有等無知愚夫。短見婦女。一遇打罵爭鬪。災難急迫。輒便輕生。或投河投井。或自刎自縊。傷心哉。此身上承祖宗千百世之技派。

下接子孫千百世之源流。豈可輕棄乎。予知為此者。不過有二意。一則思欲害他人。一則思欲脫離苦難。殊不知所爭名利。忿辱。皆虛浮微幻。且近日奉各上憲嚴示。餉禁。自死者即時掩埋。不斷抵償。是寃未伸而讐言未報。徒空自死。反為彼之竊笑矣。

至於命運迤邐。每逢災難。須知天地日月。尚有風雨盈虛。人生豈得快心滿意。應安心耐受。自然否極泰來。予今所著救死諸法。非授自老翁。即出於親見。名曰快活方者。謂人當快快活來。以受在生之樂也。惟望仁人平日留心熟記。遇人遭此。即時親

身奔救或出主意教授他人。若得起死回
生。其人性命。乃我之再造。功德浩大。造塔
之功。真不及也。常時如不明悉。忽遇此事。
慌張急迫。茫然莫救。良可浩歎。

康熙五十八年仲春石成金天基撰寫

快活方三集

揚州石成金天基撰集

救熱死

路上行人。酷日趨程。野中農夫。炎天勞力。津竭汗盡。
卒然昏倒。此爲中熱。切不可令卧冷地。及飲冷水。若
得冷卽不救。急用微熟水一盆。或布或手巾。蘸尉臍
臍小腹上。冷復換。熨自然甦醒。醒後仍勿飲冷水。飲
之立死。可用生薑湯或董便灌之。戒飲冷水者。防氣

脫也。熨臍腹者。固元氣也。

康熙壬申。夏熱異常。予遠出路。見一人卧倒不醒。是時野地無處尋熱水。熨臍。因急挖地下碎土。圍患人臍腹。溺小便腹上。復取童便灌之。漸甦。

是年六月酷暑。有人因急事遠走。至一家渴甚。求冷水解渴。飲畢。口數開而死。是年七月。暑熱更甚。予往如皋。見路上行人。并緯夫。熱極遇井。輒取凉水飲之。飲畢復行。竟無一患。同是飲水。一死一不死。蓋因走

急歇下。飲水臍腑。猛然涼逼。又不運動。所以不救。若飲冷水。仍復行走。水運不停。自不為患。凡吃冷水。冷物如不行。走運動。縱不死。亦成大病。

救凍死

凡凍死有氣者。急以灰炒煖。舊布包袋。熨心胸并臍腹。袋須兩個。冷卽更換。灌以溫酒薑湯。卽甦。若不先溫其心腹。就以火烘。則冷與熱爭。必致難救。

救燒死

火中不得出。急取被褥。或醬浸。或水濕。頂護頭臉。身體跑出。火不能傷。凡遇火燒將死之人。急用童便灌下。遲則熱血奔心。難以救治。

予舍親阮某好善。每聞有失火之處。不論遠近。卽帶末藥前往。凡見火傷。或成瘡。或破皮肉。與藥乾滲。若未破皮者。用健豬油調敷。卽刻止痛見效。且無痕跡。真仙方也。予竭力得方。只用地踏菜一種。此菜形如木耳。潮濕黑綠色。夏月雨後遍生郊野。可作菜食。

三五文可買一筐曬極乾。不可火焙。碾爲極細末。治一切湯火傷神效。可見賤物。反有奇功。積德者可多製濟人。此方予舍親秘如珍寶。予乃刊傳於世。但說破未免爲人輕賤。不值錢耳。

救溺死

凡行舟失水。急抱船上桅槳篙板之類。身浮水上。不致湮沒。但水溺之人。惟冬寒難救。餘月心頭煖者。俱易救。撈起時。切不可倒控。急將口撬開。橫啣筋於牙

間側卧令水可出。昔人治溺將患人橫伏牛背牽牛
徐行腹中水從口鼻大小便內流出卽活。此法雖佳
其居城市半隻難覓。且扶人不得法多致傾跌。立
捷法。只用潤橈一條。橈上加綿被疊起。被下安綿枕
中高傍低。如牛背式樣。擡溺人橫伏於上。橈不可放
穩。墊虛一橈脚。令一人常常將橈搖動。水控去卽活。
春夏秋俱用此法。冬月用後法。

冬寒溺水。切不可就用火烘。火逼寒氣入內。則不能
救。急將濕衣解去。卽脫人身熱衣披上。一面炒鹽用
布包熨臍腹。冷則轉換。一面厚鋪被褥。取灶中熱灰
多多鋪在被上。中安綿枕。將溺人伏卧枕上。仍以灰
從頭至足厚堆。就如理在灰中一樣。只留口鼻在外
出水。灰上再加被褥。不可令灰冷。常須微熱。或將灰
炒微熱加上。亦不可太熱。蓋灰性煖而能拔水。凡蠅
溺水死。以灰埋之。少頃卽活。此明驗也。

冬月失水。人尚活者。不可就解衣換。須令其達濕衣

疾走數百步。方可換衣。如一出水卽解衣。常不可救。凡見溺人七孔血出者。不能救。

救縊死

凡縊死。自早至夜。身雖冷猶可救。自夜至早。則難救。恐陰氣盛也。但心胸微暖者。雖一日以上猶可救。凡聞有喉聲痰喘。并脚踢手打聲跡可疑。急將門窗打開。此時務要鎮定心神。不可懼怕。先將縊人緊緊繫。抱起湊鬆其繩。然後呼人將繩結解開。切不可用剪

力截斷繩索。恐氣息猛出。則不能救。解繩時將手掩其口。勿令通氣。解開緩緩抱下。安放正坐。如僧人坐禪樣。另着一人手挽揪其髮。常令提緊。弦急不可縱緩。致頭低下。然後輕輕將手揉其項痕。撚圓咽喉氣管。并要活人膝蓋。或用手裹衣物緊頂。穀道婦人并抵陰戶。勿令元氣下泄。隨將手按心胸。勤數摩動。又將其手臂腿足。頻頻曲仰。雖已僵直。亦漸漸強。爲屈伸。又摩按其腹。若再不醒。急用半夏或皂角細末。吹

入鼻孔噴嚏通氣再用薑湯灌之如此一飯時雖得氣從口出呼吸眼開仍要摩伸莫止須臾可少用清粥湯灌之令喉漸漸能嚙乃止依此救法萬無一失手挽髮勿令頭低者恐喉促不圓通也先抱其身者令身不下墜則繩結寬鬆不緊也伸屈手足摩弄者令氣血流通也

恐一時氣不能接卽令人以口對口接之再將腰背輕打四五拳以兩管吹氣入兩耳內卽活。

凡有心救人者皂角末不可不礮一罐收藏家內恐臨用礮不及也礮極細篩過礮時要閉目塞鼻勿場入眼鼻恐發涕傷目也罐須密固勿走藥氣。

康熙己巳歲予家人因爭鬪氣怒夜忽自縊是時四更予聞對過房中有足踢壁桌聲可疑因急起披衣呼父弟僕從柰其房門閉固不能卽開予急打碎推窗人皆畏懼不敢進內予倡先跳入是時黑昏月光果見有人懸於梁上手足微動予不看其頭面恐動

畏念。但低頭向前。抱住其身。湊鬆其繩。大呼從人。持燈火照入。如法授人解繩安放。揉圓咽喉。曲伸手足。後用薑湯下。卽甦。隨將繩向街上焚燒。以絕家人驚畏。縊人至今尚存。倘救之稍遲。或畏懼不前。或救不如法。恐不能回生也。全要在平日熟記。

予母舅蕭之綬。因事自縊。救人不得其法。慌忙中急用刀割斷其索。氣一歎而死。

救毒死

凡中諸毒。但覺腹內不快。卽以生豆試之。入口不聞腥氣。此中毒也。急以升麻湯煎濃連飲。以手探吐卽愈。或用白蠟一塊。研細清水攪勻服下。或吐或瀉自愈。或甘草或筴水冷服。能解百毒。

中砒霜毒。其人煩燥如狂。心腹攪痛。頭旋欲吐不吐。面色青黑。四肢逆冷。命在須臾。或灌多年糞清。或飲甘草湯。或飲菘豆湯。或冷水飲數碗。或用真筴豆粉細黃泥。各四兩。生鷄蛋清八九個。三共一處。以浸筴

豆冷水和稀服之。總以吐解毒盡爲度。醒後仍顛不語者。每日以筴豆煎湯冷飲。毒盡自愈。愈後烟酒薑椒。須忌百日。方無後患。

服砒之人。不可睡卧。恐毒流四肢。最難救治。

蒙汗毒。俗名燒悶香。飲冷水卽解。

服銀烙水者。濃煎烏梅湯灌之卽解。

服鹽滴者。搗肥皂汁和水灌之卽吐。吐未盡灌熱豆。腐漿。少頃卽吐腐形而愈。

中已豆毒。口渴面赤。五心煩熱泄痢不止。用黃連一錢煎服立愈。或用冷水筴豆湯皆效。

野菌毒。用地漿水飲之。其法地上掘二三尺深。以水傾入攪勻澄清。名爲地漿。或服陳糞清亦效。

河魴魚毒。用橄欖蘆根糞水皆效。或香油灌吐。

飲食遇毒。未知何毒。急煎苦參汁飲之。吐出自愈。

予坊有陳銀匠。一日與婦打鬧。婦遂自尋砒霜一撮服下。心煩渴極。大呼茶吃。其家不知。急取熱茶數碗。

與飲又渴又與。炮燥難過。予聞傳說。急往救治。已不能矣。倘遇知者。戒飲熱茶。只將筴豆冷水飲之。或可再生。亦未可知也。

砒霜毒藥不可蓄貯。或有他用者。須藏密處。刀谷利器亦然。切莫令婦女小子知見。恐忿氣相如。一時短見。前賢教人井欄用小後莫通河。大有深意。

救跌死

人卒然摧壓跌打從高墜下。及竹木所磕落馬撲車

損傷者。俱有瘀血凝滯。大小二便通者輕。不通者重。凡心頭熱者。皆可救。將本人扶起。如坐禪樣。一人將其頭髮往後控住。令面少仰。用半夏末吹入鼻孔。如氣通少甦。用生薑汁。加芝麻油和勻灌之。神效。

救打死

人被打死。如氣絕沉重。取藥不及。先摩開口。以熱尿灌之。用半夏末吹鼻。以艾炙臍。再將患人盤坐。將髮提起。令氣從上升。即活。

若骨節打折離脫急用生蠟搗極爛以熱酒傾入任
量飲醉卽以蠟渣敷患處如無活蠟卽蠟殼炭炙碾
極細末用熱酒調服飲醉熟睡卽愈。

救刎死

自刎之人急急將頭扶住乘其氣未絕額未冷用絲
線縫合刀口如口小不必縫急急將活雄鷄扯下熱皮
冷則沒用將線縫刀口週圍纏護用軟絹同綿花扎
好外將舊布裹脚再縛五六層不可泄氣自然合。

令刎者仰卧用高枕枕頭令頭不直自然刀口不閉
冬夏避風衣被蓋煖若氣從口鼻通出用白米一合
人參一錢生薑三片同煎粥湯飲之再請醫調治。

救砍死

不拘何處殺傷氣未絕者急取葱白炒熟遍敷傷處
冷卽再易痛止人甦刀斧殺傷傷不透膜者急用乳
香沒藥各彈大研爛以小便半鍾好酒半鍾同煎通
口服下再用烏賊魚骨浸淡爲末敷傷口。

救惡死

凡中惡鬼氣其症暮夜或登廁或出荒郊或遊冷室或到人跡不至之地忽見眼見鬼物鼻口吸着惡氣驀然倒地四肢逆冷兩手拳掘口鼻出血性命遂絕凡遇此症切勿移動卽令眾人圍繞打鼓燒火或燒麝香安息香蘊合香樟木之類直候醒知人事方可移歸或用犀角末五錢麝香硃砂各二錢五分爲末木調服二錢更妙。

凡九竅出血者大薊一握絞取汁好酒半盞調和頓服如無鮮者卽搗乾者爲末涼水調服三錢卽愈。

救暴死

燒炭火一大杓以醋澆冲令患人鼻受醋氣卽甦或搗韭菜汁灌鼻中或刺雄鷄冠血灌鼻中或用豆大艾團於鼻下人中上灸一壯卽醒。

救驚死

俗名嚇死以醇酒灌之卽甦。

救餓死

餓餓將死之人。切不可驟以粥飯與食。恐臟腑不常。反速其死。須先用稀米湯。緩緩灌下。候甦醒時。漸與粥食。亦須少與。凡餓死之人。須用布浸熱水。熨其臍腹。以固元氣。自可回生。

